

Peqqussutissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Naartunermi, erninermi meeravissiartaarnermilu sulinngiffeqartarneq il.il. Ullormusiaqartarnerlu pillugit Inatsisartut peqqussutaata allanngortinneqarneranik Inatsisartut peqqussutaata allanngortinneqarneranik Inatsisartut peqqussutissaatut siunnersuut, paasinarsisimammat peqqussutip kalaallisoortaani § 15 amigaataasoq.

Peqqussutissatut siunnersuutigineqartoq akuersissutigineqarsimasorlu § 15-iat taamaallaat qallunaatoortani allaqqareerpoq. Taamaammallu pisariaqarsorilerneqarpoq aalajangersagaq aammaarluni Inatsisartunut saqqummiuteqqinneqarnissaa, taamaaliornikkut aalajangersakkap kalaallisoortaa Inatsisartunut saqqummiunneqarsimanera qularnaarneqarsimalissammat.

Aalajangersakkamut siullermut sanilliullugu aalajangersagaq allanngortinneqanngilaq tassani maleruagassat naapertorlugit sulianik ingerlatsineq allanngortinneqarnaviannngilaq.

2. Aningaasatigut allaffissornikkulu pisortanut kingunissai

Siunnersuut aningaasatigut allaffissornikkulu pisortat ingerlatsinerannik allannguuteqartitsinaviannngilaq..

3. Inuussutissarsiornermut sulialinnut aningaasatigut allaffissornikkullu kingunissai

Siunnersuut inuussutissarsiornermik sulialinnut aningaasatigut allaffissornikkullu kinguneqarnaviannngilaq.

4. Siunnersuut avatangiisinik pinngortitamullu allannguuteqartitsisumik kingunerisinnaasai

Siunnersuut avatangiisinik pinngortitamillu allannguuteqartitsisumik kinguneqarnissaa ilimagineqanngilaq.

5. Innuttaasunut allaffissornikkut kingunerisinnaasai

Siunnersuut innuttaasunut allaffissornikkut kinguneqarnissaa ilimagineqanngilaq.

6. Allatigut malunnaatilimmik kingunerisinnaasai

Siunnersuut allatigut malunnaatilimmik kinguneqarnissaa ilimiagineqanngilaq.

7. Naalagaaffeqatigiinnermut namminiilivinnissamullu tunngasut

Siunnersuut Naalagaaffeqatigiinnermut namminersulivinnissamullu tunngasunut sunniuteqarnaviangitsoq naliliisoqarpoq.

8. Oqartussaaffinnik kattuffinnillu tusarniaaneq

Siunnersuut tusarniaassutigineqarnikuunngilaq, inatsisinik atuuttunik allangortitsisoqanngimmat. Aalajangersakkap qallunaatoortaani 1996-meersumi qallunaatoortaa ilaareerpoq taamalu massakkut inatsisini atuuttuni ilaareerluni.

Siunnersuummi aalajangersakkanut ataasiakkaartunut oqaaseqaat

§ 1-mut

Nr. 1-mut

Peqqussummi § 15-ip maannakkut atuutsinneqarneranut atatillugu periusiusup atuuttup ingerlateqqinneqarnera matumani pineqarpoq.

§ 2-mut

1. juni 2007-imi peqqussutip atuutilernissaa siunnersuutigineqarpoq.